

671.2207  
7287

甯陽縣志



歷史

本境建置年代

甯陽縣之名始於兩漢廢於魏晉復於金元自兩漢至元魏縣境皆小  
隋唐以來漸拓如今制

未置本境之時代

唐虞夏商

徐州之域 禹貢海岱及淮惟徐州甯陽在岱南百里是徐州北邊境  
也唐虞十二牧夏九州殷九有具見詩書爾雅漢書地理志甯陽於  
四代皆徐州域也

周

青州之域 周禮職方青州有泗水兗州有岱山甯陽又青州之北邊  
境也

甯陽縣鄉土志

春秋

闡 屬魯水經注春秋齊人取闡應劭曰今闡亭是也剛縣治俗謂之  
闡亭案今治所東北三十里堽城堽屯兩社其地也

成 屬魯左傳故祀田入魯為孟氏邑魯北鄙保障公斂陽所謂墮成  
齊師必至於北門者也水經注淄水逕邠北春秋齊師圍邠邠人伐  
齊師之飲馬於斯水也邠當作成字之訛也括地志故成城在兗州  
泗水縣西北五十里案今治所東八十里古成太平兩社間西太平  
集是也

戰國

剛 屬秦史記秦昭王客卿竈攻齊取剛案剛魯闡邑齊更名剛也  
成 屬齊史記齊威王封鄒忌為成侯案即魯成邑也

秦



薛郡

既置本境之時代

前漢

甯陽縣 屬兗州泰山郡漢書地理志甯陽侯國王子侯表甯陽侯魯共王子夏侯勝傳共王分魯西甯鄉以封子節侯別屬東平案甯鄉者共王分地之在甯陽者也侯曰甯陽而地止甯鄉甯鄉改屬東平甯陽自屬泰山地理志不繫侯國於東平者以甯鄉非縣而侯名仍稱甯陽故也水經注沆水南逕泰山甯陽縣故城西後漢書劉梁傳注甯陽故城在龔邱縣南即今治所南十五里古城集是也剛縣 屬兗州泰山郡漢書地理志剛故闡也今治所東北四十里汶水南岸有古剛城壁壘尚峻兩漢元魏之剛縣治也

汶陽縣 屬豫州魯國水經注汶水逕汶陽縣故城北而西注元和郡

甯陽縣鄉土志

二

縣志汶陽故城在龔邱東北五十四里案今馮魚社汶水南岸古城基正與元和志合其北岸秦境即左傳魯賜季友汶陽之田水經注於蛇水明之顏師古地理志汶陽注亦引此傳謂漢立縣由此也

鉅平縣 屬兗州泰山郡水經注汶水南逕鉅平縣故城東而西南流城東有魯道詩所謂魯道有蕩者也案魯道即今泰安之大汶口漢鉅平城在汶水北魯道西而縣境則跨汶而南入甯陽地矣杜預春秋注成魯地在泰山鉅平縣東南則自大汶口南至太平集漢鉅平縣之東南境也魯成邑蓋前漢鉅平柴縣分界處

柴縣 屬兗州泰山郡水經注淄水西南流逕菟裘城北又西南逕柴縣故城北又逕成北案酈注例言水又逕加西南等字者遠也不加者近也今治所東九十五里靈山北古城基柴縣故城也東去菟裘二十餘里西去成邑十餘里正與酈注合注又言淄水為柴汶凡在

淄水南者柴地也菟裘今泰安婁德鎮自婁德至甯陽之南白靈山古成三社皆柴縣境也成邑即太平集靈山在靈山社也

後漢

甯陽縣 前漢舊縣改屬兗州東平國

成縣 屬兗州濟北國水經注洗水西南流逕成鄉城西京相璠曰剛縣西南有成鄉城也案公羊春秋魯及齊圍成成降齊傳曰成者何盛也盛則曷為謂之成諱滅同姓也後漢立成縣晉省成縣而名盛鄉城皆本此後漢書郡國志成縣注引左傳邾社注邾鄉地同而義別也案盛鄉城即今治所也與魯成邑異

剛縣 前漢舊縣改屬兗州濟北國

汶陽縣 仍屬豫州魯國水經注汶水西南逕魯國汶陽縣北王莽之汶亭也縣北有曲水亭案汶亭見地理志曲水亭見郡國志注酈注

甯陽縣鄉土志

三

蓋謂此元魏汶陽治自莽移之後漢以來因之也據酈注前後文其城在鉅平境西汶陽故城東今治所東北周村社間是然已無迹矣曲水亭即春秋曲池汶北地也

鉅平縣 仍屬兗州泰山郡

梁父縣 屬兗州泰山郡案郡國志梁父有菟裘聚前漢梁父在柴縣北後漢省柴縣其地併入梁父也南白社境北有梁父村亦可證也既置又廢之時代

三國魏

東平國 魏志王粲傳東平劉楨楨甯陽人但稱東平疑甯陽併省歟案注引文士傳楨為梁之子後漢書劉梁傳為梁之孫梁東平甯陽人也

鉅平縣 屬泰山郡見魏志于禁傳案三國無地志除鉅平外諸縣有

無不可知也

晉

剛平縣 屬兖州東平國案晉書地理志無剛甯陽成三縣剛平蓋得其地焉杜預左傳注剛平作剛父疑字之訛也

汶陽縣 屬豫州魯郡案即漢魯國也

鉅平縣 仍屬兖州泰山郡

梁父縣 仍屬兖州泰山郡

劉宋

元城縣 屬兖州陽平郡

樂平縣 屬兖州陽平郡案西晉之末兖州陸沈遺黎南渡自建興至於元嘉百二十年羣雄割據地無真主至劉宋以元城樂平之流民

僑置兩縣於晉剛平地據魏地形志元城有甯陽城則分剛平之東

甯陽縣鄉上志

四

半樂平有青山祠則分剛平之西半而借城理民元城寄治無鹽在今東平州樂平寄治下平陸在今汶上縣也

汶陽縣 仍屬兖州魯郡

鉅平縣 仍屬兖州泰山郡

梁父縣 仍屬兖州泰山郡宋書州郡志自漢至宋郡縣無移改者則注云漢舊如以上三縣是也漢謂後漢也謂後漢晉宋相沿也

元魏

剛縣 屬兖州東平國魏書地形志剛治剛城案即漢剛城也晉改剛平魏復舊焉

元城縣 屬兖州東平陽郡地形志甯陽有甯陽城案即漢甯陽城也蓋魏既復剛縣則元城縣境西南移著漢城者託其東南境也魏元城移治平陸城在今汶上縣

樂平縣 屬兗州東平陽郡地形志樂平有青山祠元和郡縣志龔邱縣青石山在縣西三十里後魏有青石山祠是也案青石山即青山今卧牛山也蓋元城縣境既西南移則樂平縣地割入元城而以青山為東境不復治平陸矣

汶陽縣 仍屬兗州魯郡地形志云汶陽有汶陽城案此汶陽即後漢之汶陽治汶陽城者即前漢故城也惟志又云有新甫山是汶陽與魯縣割分卞縣有今泗水之北境與漢異而地之在今甯陽者如故鉅平縣 仍屬兗州泰山郡地形志鉅平有鉅平城案此兩漢故城也鉅平以帶郡其治北移平樂城而著故城者記兩漢以來東南境也梁父縣 仍屬兗州泰山郡地形志梁父有菟裘聚記後漢以來南境也

平陸縣 屬兗州東平郡水經注汶水西逕春亭北考古無春名惟平

甯陽縣鄉土志

五

陸縣有崇陽亭東去剛城四十里今治所西北四十里泗泉村東去剛城四十里迤東即平陸社今崇陽亭舊迹已湮要可證其為元魏平陸縣地也

北齊北周

平原縣 北齊書無地志據元和郡縣志龔邱縣高齊移置平原縣於漢甯陽城北十七里即今理案龔邱理即唐至今治所也南去古城十五里併城計之則十七里也宋魏隋志平原縣劉宋僑置魏因之在平陸樂平西南齊以平原平陸併入樂平而以元城剛汶陽等縣改為平原故曰移也北周因之

隋唐五代

龔邱縣 隋改平原為龔邱唐五代因之隋屬徐州魯郡唐屬河南道兗州魯郡治所東北石碣集有五代孟知進碑稱兗州龔邱縣

泗水縣 屬同龔邱案括地志故成城在泗水縣西北後漢書羊陟傳注梁父故城在泗水縣北今太平古成靈山南白四社唐泗水地也

宋 龔縣 宋改龔邱為龔縣屬京東西路龔慶府 既廢又復之時代

金元明至

國朝

甯陽縣 金屬山東西路兗州元屬山東濟甯路兗州明屬山東布政司兗州府按史金改龔縣復漢舊名元併入滋陽旋即復舊元初版圖逸燬民占籍奉符汶上僅存八社明洪武五年泰安歸故城等四社汶上歸西黃等五村自是逐漸開拓始有本境之土宇焉

國朝沿明舊明洪武初改元奉符為泰安州即今泰安縣也

甯陽縣鄉土志

政績錄

興利

東周

先賢高子名柴字子羔齊人鄭康成曰衛人孔子弟子為成宰成人有兄死而不為衰者聞子羔將為宰遂為衰其德感如此唐封共城伯宋進侯從祀聖廟崇祀本邑名宦祠

唐

庾賁字文明潁川人大曆三年由任城尉擢龔邱令宣慈務寬訓儉示德三載課最邑老彭滔等請於元戎為刻德政頌李陽冰撰并篆書原碑久佚今有金人重摹本存於縣署祀名宦

五代

孔仁玉字溫如曲阜人孔子四十三代孫後唐長興三年任龔邱令有

惠政吏民悅服襲封文宣公

金

齊希文字公幹保州人明昌甲寅進士泰和間除甯陽令奉公履正四境宴然祀名宦

元

韓珪字文器汶上人泰定元年任甯陽尹有文學多政績甯陽歷代沿革記其筆也

明

萬象春字仁甫無錫人萬曆十二年任分守東兗道駐甯陽即史所謂為山東參政者也在任五年修文廟增置學田等事具詳縣志政績可觀明史有傳

張盛字克謙宜興人成化八年由工部主事任都水分司嘗修堽城堰

甯陽縣志

七

通漕利渡兼防水惠事舉而民不勞獲見商輅堽城堰記記載縣志

陳良謨字忠夫吉安人嘉靖二年由工部主事任都水分司清介自持嘗積俸錢出為公用尤好獎勵後進邑人從遊翕然宗仰

胡瓚字伯玉桐城人萬曆二十五年由工部主事任都水分司修橋洗水上民不病涉治汶泗間泉數百尋源竟委著泉河史上之見明史劉東星傳

王文珪浙東人洪武初任甯陽知縣邑承元敝戶口減削隸版籍者只有八社文珪言之大吏始割正縣界逋亡盡復至今賴之

孔公朝樂清人永樂中為甯陽知縣坐酒失遣戍部民屢叩闕乞還不許宣德二年詔求賢有以公朝薦者甯陽人聞之又相率叩闕乞公朝帝顧謂尚書蹇義曰公朝去任已二十餘載民奏乞不已此非良吏耶可即予之宣德二年復任見明史循吏傳

王鉉順天人成化十九年由進士任甯陽知縣法令嚴明豪右無敢犯  
并創建預備倉以資賑卹

趙容和州人宏治二年由進士任甯陽知縣敏於政治尤崇儒術捐俸  
拓學舍以課生徒

郭完霸州人嘉靖三十五年由選貢任甯陽知縣注意愛民桁楊不設  
以催科考殿拂衣竟去邑人為立去思碑

紀洪榆林人監生正德十年任甯陽知縣時當流賊蹂躪之後洪繕城  
郭興學校修廢墜廣儲蓄凡有約束民奉之如神卒於官無不惜之

尹校號印石錦衣衛人由進士授行人擢南京湖廣道御史隆慶六年  
左遷甯陽知縣潔己愛民史載人和內遷刑部主事父老攀轅卧轍不  
得留為建祠立碑以頌遺愛

許恩絳州人萬曆八年由舉人任甯陽知縣邑舊係土城時築時圮思

甯陽縣鄉土志

勸民捐助悉覓以磚至今賴之

國朝

張光縉河津人順治十二年由舉人任甯陽知縣時值兵燹之後流亡  
未集光縉撫摩煦育務崇寬簡有鳴琴卧治之風

何如龍字二巖歙縣人順治十六年由進士任甯陽知縣仁慈寬簡與  
民休息去之日邑人為立去思碑

李廷銓字冰壺秦興人康熙四十九年由歲貢任甯陽知縣蒞任十年  
仁心善政淪浹四境邑人為建生祠於雲山

談汝瑛字玉葦鑲紅旗漢軍人雍正二年由監生任甯陽知縣蒞政明  
決待士有體

熊銓字司衡龍里人雍正十一年由舉人任甯陽知縣盡心撫字催科  
不擾倡修學宮課士如恐不及

李夢雷字魚門長興人乾隆五年由進士任甯陽知縣慨然以教養為己任因社穀歸官緩急難恃乃於三鄉復建三倉捐穀備賑又分設社學四所並於金羊山創建東山書院及重修邑乘皆其績也  
張撰字修亭乾隆六十年由舉人任甯陽知縣以儒術飾吏治愛民敬士輿論翕然

去害

明

翟弁字文冕涇陽人天順元年由舉人任甯陽知縣剔弊鋤奸吏憚其威氏樂其業祀名宦

陳本儒藍山人嘉靖七年由舉人任甯陽知縣蒞政精明處事周密吏胥不得售其詐嘗毀淫祠建南察院署

秦吉士字子敬曲周人嘉靖四十五年由進士任甯陽知縣性廉直治

甯陽縣志

九

有威惠均賦平徭尤勤聽斷蠹吏哀以奎盤踞作奸遽置之法猾胥股慄宿弊一清盜賊遠徙比閭安堵秩滿內遷主事邑人為立去思碑

李沐民字德明臨汾人萬曆二十三年由進士任甯陽知縣外嚴內寬治有威惠時權採中使四出所至騷擾沐民持以鎮靜民賴以安遷南京主事邑人為立去思碑

李之庚真定人崇禎十三年由舉人任甯陽知縣智勇有幹畧時饑饉頻仍盜賊充斥所在焚掠之庚撫殘黎捕渠寇境宇以安十五年

大兵南下城陷殉節祀名宦

國朝

郭撰字瀛南阜城人乾隆三十三年由舉人任甯陽知縣為政嚴明聽斷敏決尤善治盜詞察蹤迹有捕輒獲雖鼠竊狗偷必痛繩以法由是宵小遠屏井閭晏然嘗語人曰害民莫甚於盜小民終歲勤勞所餘無

幾一遭竊劫即不聊生故愛民不得不恨盜也三十六年汶決石梁桑安等口督修土隄數十年恃以無恐人至今思之嚴象琳字琢齋乾隆三十五年署甯陽知縣持廉秉公請託路絕重士愛民至今稱之

馬照黎大城人乾隆四十七年由舉人署甯陽知縣時蠹役盤踞擇肥而噬甚為民害照黎鈐束胥吏一繩以法不旬月間宿弊頓革其聽斷勤明案無留牘有白日青天之稱焉

聽訟

金

王珩字伯玉黎陽人大定九年由進士擢龔邱令公勤廉恕聽斷明決築彩衣亭以奉二親邑人化於其孝焉祀名宦

明

趙瑤容河人宏治十五年由進士任甯陽知縣諳習法律吏莫能欺案無留牘治聲與趙和州埒

白麟盧龍人正德十五年由進士任甯陽知縣嚴明果斷事無留滯何玉德字彥貴雄縣人隆慶四年由進士任甯陽知縣才諳敏瞻勤於政治聽斷平允獄無滯囚遷南京御史

國朝

劉興漢字千惟汾陽人康熙六年由進士任甯陽知縣學業賅博政事具舉重修邑乘燦然明備聽訟明決案無留牘上官知其能他邑有疑獄悉委治之多所讞定內遷大理寺行人士民相送直達汶潞為從來所罕見

張述孔字柯巖洛川人乾隆二十三年任甯陽知縣視民如子聽訟諳諳若家人語不加訶責俟兩造各盡其詞徐為析其曲直以片言折之

訟者輒冰釋求罷春秋佳日巡行郊野下馬就樹陰與田父語移時始去過村塾輒進師弟子詢其課業告以所易曉豐豐不倦傍汶民田因風壅沙田沒而賦未除述孔勛實請豁一方賴之  
陳淦山陰人嘉慶十二年由監生任甯陽知縣悃幅無華務為安靜理民詞訟必為速結在任數載案牘清簡羣隸至無以自活時有官清如水役貧如白之說

兵事錄

金

正隆末羣盜猖獗邑為殘毀見邑志所載韓珪歷代沿革記

元

至正四年秋騎寇數百以紅帕裹首挺兵入城燒解舍民廬煙火連夕弗滅自是八年之間左懼騎寇云見邑志王思誠公解記

明

正德六年十月河北賊劉六等攻甯陽臨之見明史紀事本末

崇禎末歲祲民殍土匪蜂起甯陽東北一帶亂山叢雜匪魁馬良秦景蔡慈等窟穴其中嘯聚幾至萬人四出剽掠閭左騷然幸邑人朱克配團結鄉兵力與之角以奇計斬良景復手刃蔡慈於陣闔境賴以稍安崇禎十五年十二月十三日

大兵南趨兗州游騎分徇附近諸邑甯城失守縣令李之庚死之

崇禎十七年闖寇步騎三百過縣境

國朝

咸豐十年九月十五日捻匪突犯本境角聲旗影十里不絕時承平日久邑城強半傾圮賊蜂擁而入大肆焚掠典史龔紹昌死之鄉村之間禾稼登場方勤穡事聞寇至乃相率奔逃於東山士女遇賊不屈拚命

以殉者甚衆 十一年二月擒匪又至邑西居民競避入鶴山石壘賊偵知之電掣風馳直抵山下蟻附孫升呼聲動天地守壘者力不能支紛紛逃匿賊乘勢殺掠死者約千餘人 是年擒匪屢至境內被禍甚酷所戕害不可勝數

同治四年三月擒匪數萬由縣境北竄至落星村側與莫軍門組紳遇時組紳方為偏僻苦戰逾時賊喪精銳千餘人官軍亦死傷過半組紳所將僅八百人因衆寡不敵退入落星堡督率兵民登陴固守賊力攻不能尅乃折而南趨疾馳二十餘里至莊家庄堡臨之焚掠竟夕火光燭天 五年五月擒匪圍攻大安庄堡居民守禦甚嚴幸不為所陷九月擒匪復至時果庄築堡甫竣一切銃礮矢石購製未備賊至即陷受禍甚慘

### 耆舊錄

#### 事業

### 漢

夏侯勝漢書有傳

夏侯建見漢書夏侯勝傳

王章漢書有傳祀鄉賢

鄭昌見漢書鄭宏傳

鄭宏漢書有傳祀鄉賢

### 後漢

戴封後漢書有傳祀鄉賢

戴宏見後漢書吳祐傳

羊陟後漢書有傳

劉梁後漢書有傳祀鄉賢

### 三國

北魏 劉楨見後漢書劉梁傳亦見三國志王粲等傳祀鄉賢

羊敦魏書北史皆有傳

北齊

羊烈北齊書北史皆有傳

五代

孟知進父母歿與妻李氏哀慕不忘乃於漢隱帝乾祐三年立石碣刻佛藏父母恩重經以資冥福至今名其里為石碣集

宋

姜潛字至之石介門人累官國子直講神宗聞其賢訪以治道對曰有堯舜二典在出知陳留以不放青苗錢去官

王筠字端禮少失怙恃長乃擇吉壤攻窳封殖汎掃晨昏拜墓下終

元

其身雖風雨寒暑無間其子章登第累贈大夫其墓碑在今邑城云

趙克讓泰定間累官汶上尹撫循勞來號為稱職吏民為建德政善政去思三碑至今祀汶上名宦祠

王治少好學貧贅妻家迨後夫妻偕歸養母皆以苦行盡孝至正間王思誠為撰孝門銘碑在今邑城祀鄉賢忠義

明

孟統字儒宗洪武中歲貢由蒙城丞攝五河知縣平刑減徭招徠賑貸在任九年民頌其仁遷咸陽知縣政績載咸陽志陞荆門州卒於官百姓建祠祀之並祀五河名宦本邑鄉賢

王賢字惟善永樂辛卯舉人任鄆陵教諭擢給事中累遷順天府尹輦轂下權勢交橫賢潔已率下循理為政干謁之私一皆杜絕雖古三王

為京尹不過也天順元年致政歸薛瑄為之序賢少與許彬齊名晚歲同居林下縣令翟弁為建二老歸榮堂至今官為春秋致祭並祀鄉賢許彬明史有傳祀鄉賢予起進士

吳孟祺字元壽嘉靖己丑進士除知五河縣時關吏虐商旅孟祺請罷關稅置巨猾於法邑之湖瀨多盜孟祺導湖注河盜失所憑殲其渠魁而盜息遂以湖田租建書院文風轉盛以才調繁洛陽擢刑部主事外戚張延齡繫獄孟祺為之平反廷杖謫邠州同知累擢陝西潼關兵備副使會嚴嵩竊柄謝政東歸著有義命箴規拙修適言六泉漫稿警菴文集祀五河名宦本邑鄉賢

張彝訓字天叙隆慶辛未進士累官陝西參議每歷一官即置莊田分給族黨曰張氏義莊

張登雲字攀龍隆慶辛未進士累官遼海道陝西副使其在西甯時有

海寇二萬騎突抵城下登雲大開城門單騎出關詰虜來意虜相顧驚駭引去著有耕餘雜語芝樓草葛石山房詩

吳崇禮字彬卿萬曆丙戌進士由臨晉知縣行取御史時山東大饑崇禮上疏請賑多所全活累擢順天巡撫移督宣大皆稱職以繼母憂歸天啟二年白蓮賊徐鴻儒作亂崇禮募士守陴復移書巡撫趙彥起楊肇基辦賊鴻儒伏誅五年以南京刑部尚書起用次年卒官贈太子太保謚定襄著有三邊總圖撫劄奏略祀鄉賢

朱永膺字深元篤學工詞章與張登雲唱和為人孝友端方志節凜然崇禎初以歲貢官夏津訓導十一年

大兵臨城永膺分守西門城陷殉節祀夏津名宦本邑鄉賢

國朝

周爰訪字成延明崇禎十六年進士觀政吏部旋假歸順治初以徵辟

入都授翰林直內宏文院擢編修卒官工詩古文詞兼善書法祀鄉賢  
子仔世治世仔世增貢生性孝友精醫術歲饑有鬻妻養母者立出貲  
完聚之所著有甯邑喪禮辨畧治世歲貢生事母以孝聞官利津訓導  
並祀鄉賢

甯之鳳字德九明崇禎丙子舉人順治三年成進士授工部主事累陞  
郎中時修

慈甯宮北鳳流監督省帑金數萬

世祖嘉悅

御書之鳳姓名於殿柱以旌其廉出知河南府有兵婦告變云流寇潛  
通奸民欲以夜半攻城之鳳設伏城外夜半賊果至伏起殺賊斬首三  
百有奇事平論功陞關內道副使累遷陝西右布政使以疾歸先是甯  
陽歲辦蔬柳十八萬觔佐河工為民重累之鳳白當事裁之桑梓霑惠  
焉祀鄉賢

朱克配字堯天明季諸生有武畧值荒亂盜起克配乃以兵法部勒里

中子弟崇禎十三年泰安賊南掠克配率董其成禦之石梁口斬賊渠  
魁生擒百餘人馘而縱之諸大吏聞克配名委以便宜辦賊於是甯陽  
賊秦景馬良蔡慙據彩山景良一寨蔡慙一寨克配偵知馬良出山東  
掠陰令韓芝芳設伏彩山東截其歸路自以精銳夜半入賊寨斬秦景  
於卧內火其寨馬良歸芝芳與戰克配大呼馳至並斬馬良蔡慙懼不  
敢出久之乃掠葛石店克配救之追殺蔡慙於彩山口兩寨悉平順治  
初以巡撫方大猷薦從豫王南征克配以單騎下邳州王大悅令攝知  
州事尋除六安同知攝理英山霍山二縣寇平移疾歸卒後數十年邳  
六安英霍人禱泰山者過甯上冢猶呼拜泣下不絕也祀鄉賢  
陳朱垣字琅函少孤事母孝受學於兄朱墀順治中充恩貢起家知鞏  
縣廉明有威以捕巨盜功遷江甯府江防同知為長官所軋遂辭職時  
海寇犯江甯甚急總督郎廷佐以朱垣有應變才留辦軍需極得力事